



Aqqalu C. Jerimiassen

EM 2022/73

Atassut

25. oktober 2022

Nakorsat kigutillu nakorsai kalaaliusut sooq ilinniagartik arlalitsigut nunatsinni atornagu nunattali avataani atortarneraat kvalitativiusumik misissorneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut

(Inatsisartunut Ilaasortaq Anna Wangenheim, Demokraatit)

Uggornartaqaaq nunaqqatigut ilinniarluarsimasut nunarput uterfigeqqinngikkaangassuk, imaluunniit qimallugu allamik naammassereernermi kingorna aallaraangata.

Sulili uggornarneruvoq, tamani atorfissaqartinnerpaasagut, tassalu peqqinnissaqarfitsinni sulisinnaasut ilinniarluarsimasut nunatsinni sulinissartik toqqarnagu aallaannarnissartik toqqaraangassuk.

Peqqinnissaqarfippummi ila assorooqaaq, sulisinnaasui ila assorooqalutik ullut tamaasa sullissisinnaanertik tamannuat piniaraluarput.

Nuannerporlu taamaammat, Inatsisartunut ilaasortaq Anna Wangenheim, Demokraatit, kingumut pisariaqarluinnartumik peqqinnissaqarfippu pillugu aaliangiiffissatut sinnersuummik qaqitaqarmat.

Naak, soorunami naalakkersuisut oqariartuutiminni ataatsimiitsitaliarsuup naammassinissaanik utaqequsinerat paasinaraluartoq, suliarlu annertuujummat pisariaqarluinnaraluartoq. Una siunnersuut ataatsimiitsitaliarsuup sulineranut kalluaajunnangitsoq Atassummiit isumaqaratta, illuanilli suli ataatsimiitsitaliarsuup sulinermi annerusunik sakkussaqaalersinnaanernulluunniit malitseqarsinnaasoq.

Kvalitativiusumillu apersuilluni misissuinissaq pisariaqarluinnartoorpasittoq Atassummiit isumaqarpuguttaaq, nakorsammi kigutillu nakorsai nunaqqatigut taama amerlatigisut annaanginnartarsimagutsigit, pinngitsoorani arlaannik allaffissornikkut annertuumik toqqammaveqarsinnaanera ilimanaateqarluarsinnaammat. Taamaangippat, suliassaqarfik taanna artorsaruttormat sulinermi atungassarititaasut pillugit immaqqa annaaginnartarsimavagut.

Taamaammat una siunnersuut pisariaqarluinnartuusoq Atassummiit siumaqarpugut.

Taamatut naatsunnguamik Atassummiit oqaaseqarluta, siunneruut isikkuatut iluseqarillugu toqqaanaq taperserparput.